

05 March. 2026

समे .18:15 Hrs



Headlines

- मुख्मन्त्री उमर अब्दुल्ला होरें स्कास्ट जम्मू च जेके-सीआईपी दे तैहत स्टार्टअप आउटरीच कार्यक्रम च हिस्सा लैदे होई आखेआ ऐ जे नौजवानें गी नौकरिएं दे पिच्छे द्रौडने आहला बनने दे बजाय होरनें गी रोजगार देने आहले बनना लोडचदा ऐ।
- फौज आसेआ नमीं स्थापित कीती गेदी पोर्टर कंपनी लेई रजौरी-पुंछ सैक्टर च 800 पिट्टुएं दी भर्थी कीती जाहगा।
- जम्मू रेलवे डिवीजन ने चिड़िया घर दे 2 तेंदुएं ते 2 काले भालूएं गी जम्मू थमां चेन्नेई भेजियै इक बड़ी उपलब्धि अपने नांऽ कीती ऐ।
- जम्मू-कश्मीर स्कूली शिक्षा बोर्ड ने 9मीं शा 12मीं जमात लेई पाठ्यक्रम बारै अधिसूचना जारी कीती ऐ।
- मर्दे दे आईसीसी टी20 क्रिकेट विश्व कप च अज्ज संझां मुंबई दे वानखेडे स्टेडियम च दुए सेमीफाईनल मुकाबले च भारत दा मुकाबला इंग्लैंड कन्नै होगा।



CM-JKCIP

मुख्मन्त्री उमर अब्दुल्ला होरें अज्ज स्कास्ट जम्मू च जे.के.सी.आई.पी दे तैहत आयोजित इक स्टार्ट अप आउटरीच कार्यक्रमै च हिस्सा लैता ते इस मौके पर उ'नें विद्यार्थिएं, युवा उद्यमिएं ते करसान उत्पादक संगठनें दे नुमाइंदें कन्नै गल्लबात कीती। किट्टु अगगे भाशण दिंदे होई मुख्मन्त्री होरें आखेआ जे नौजवानें गी नौकरिएं दे पिच्छे दौडने दे बजाय होरनें गी नौकरियां देने आले बनना लोडचदा। उमर होरें नौजवानें गी आखेआ जे ओहू टिकाऊ उद्यम स्थापित करने लेई नमिएं काहडें ते उद्यम कारखानादारी आली समर्थ दा पूरा-पूरा इस्तेमाल करन। जम्मू-कश्मीर च राई-बाई ते एहदे'नै जुडे दे खेत्तरें दी बेशुमार समर्थ उप्पर लोऽ पांदे होई उ'नें आखेआ जे जे.के.सी.आई.पी ज्नेही पैहलकदमियां नमियें काहडें ते नमें उद्यमें लेई इक तगडा स्टार्ट अप तंत्र बनाने च बड़ी महत्वपूर्ण भूमिका निभा करदिआं ना। उनें आखेआ

मुख्मन्त्री होरें इस मौके पर स्टार्ट अप्स ते राईबाई बारै नमें प्रकाशन जारी कीते, शानदार कारकरदगी दस्सा करदे करसान उत्पादक संगठनें ते स्टार्ट अप्स गी सम्मानित कीता ते प्रदेश च 808 किसान खिदमत घर बी शुरू करोआए।



CM-Meeting

मुख्यमंत्री उमर अब्दुल्ला होंरें जम्मू-कश्मीर च कौशल विकास आले तंत्र गी तगडा बनाने दे मकसद कन्नै व्यापक कार्य योजना दी समीक्षा लेई अज्ज इक बैठक सद्दी। बैठक दरान जेहडे मुख्य मामलें पर चर्चा कीती गेई उं'दे च कौशल विकास गी शिक्षा प्रणाली कन्नै जोड़ने, औद्योगिक राबतें गी तगडा बनाने, तकनीकी ते लौहकी अवधि आले सिखलाई कार्यक्रमें दा विस्तार करने ते प्रदेश च रोजगार ते उद्यम कारखानादारी लेई टिकाऊ रस्तें दा निर्माण करने ज्नेह मामले मुख्य तौर पर शामिल हे।



Army-Recruitment

भारती फौज अपनी नमीं स्थापित कीती गेदी पोर्टर कंपनी लेई 800 पिट्टुएं दी भर्ती लेई औंदी 12 मार्च थमां भर्ती अभियान शुरू करग। आकाशवाणी दे जम्मू संवाददाता दी रिपोर्ट मूजब, राजौरी ते पुंछ जिलें च स्थित 7 ब्रिगेड हैडक्वार्टर पर औंदी 12 शा 19 मार्च धोड़ी नमीं पोर्टर कंपनी लेई 600 पिट्टुएं ते 200 रिजर्व पोर्टरें दी भर्ती लेई रैली आयोजित कीती जाह्ग। एहू भर्ती रैली औंदी 12 ते 13 तरीक गी पुंछ ते राजौरी आले ब्रिगेड हैडक्वार्टरें च 14 ते 15 मार्च गी बलनोई ते नौशैह्ला च 16 ते 17 मार्च गी, भिम्बर गली च ते 18 ते 19 मार्च गी मेंढर ते मंझाकोट च आयोजित कीती जाह्ग। एह्दे लेई आवेदन करने आला भारत दा नागरिक, शारीरिक तौर पर तंदरूस्त ते 18एं शा 40एं ब'रें दे बश्कार दा होना लोडचदा ऐ।



Zoo-Animals

उत्तर रेलवे दे जम्मू रेलवे डिविजन नै चिड़ियाघर आले दुलर्भ जनौरें गी जम्मू थमां चेन्नई पूरी कामयाबी कन्नै पुजाने आली पैहली-पैहली पैहलकदमी दे कन्नै इक होर ऐतिहासिक उपलब्धि अपने नांS कीती ऐ। आकाशवाणी दे जम्मू संवाददाता दी रिपोर्ट मूजब रेलवे दे इतिहास च पैहली बारी चिड़ियाघर आले किश दुलर्भ जनौरें गी रेल दे राहें जम्मू थमां एम.जी.आर चेन्नई पूरे सुरक्षित ढंगै'नै पुजाया गेआ ऐ। जंदी 3 मार्च गी भेजे गेदे इनें जनौरें च 2 तेंदुए ते 2 काले भालू शामिल ना। जम्मू रेलवे डिविजन दे जनसंपर्क निरीक्षक राघवेंद्र सिंह होंरें दस्सेआ जे शिडक ट्रांसपोर्ट दे मुकाबले च एहू जनौर घट्ट समें च जम्मू थमां एम.जी.आर चेन्नई पुजा करदे न जेहडी इक बड्डी उपलब्धि ऐ।



Poshan Reasi

संगठत बाल विकास सरबन्धी आईसीडीएस विभाग आसेआ बच्चें च कुपोषण दा मुकाबला करने ते महिलाएं ते युवा माताएं दी सेहत ते पोषण च सुधार दे मकसद कन्नै रियासी जिले च पोषण अभियान दा दुआ गेड रम्भेआ गेआ ऐ। इस पैहलकदमी दे तैहत रियासी जिले दे अरनास इलाके च इक समर्पित केन्द्र खडेरेआ गेआ ऐ जित्थे पोषण सरबन्धी मदाद, जागरूकता ते लाभार्थिं दे निगरानी वगैरा दी सुविधा उपलब्ध करोआई जाहगा। इस कार्यक्रम दा मकसद, बच्चें, गर्भवती महिलाएं ते स्तनपान करोआने आहली माताएं लेई बेहतर पोषण जकीनी बनाना ऐ। इस सरबन्धे च होर जानकारी देआ करदे करदिआं न बाल विकास प्रोजेक्ट अधिकारी सुरिंदर कौर

<><><><><><>

JKBOSE-Syllabus

जम्मू-कश्मीर स्कूल शिक्षा विभाग नै नौमी थमां बारहवीं जमातें लेई आने आले शैक्षणिक सत्र आस्तै स्लेबस ते कोर्सें दी सूची जारी कीती ऐ। इस सूची दे मताबक शैक्षणिक सत्र 2025-26 च कश्मीर ते जम्मू दवें खित्तें च जम्मू दे स्याले आहले खितते ते जम्मू दे गै सोए आहले जोन च शैक्षणिक सत्र 2026-27 च 9मीं ते 10मीं जमातें लेई स्लेबस नेई बदलोग। तोआई, बोर्ड दा आखना ऐ जे 11मीं ते 12मीं जमातें लेई किश विशें च माडा-मुट्टा बदलाव आहन्नेआ जाहगा।

<><><><><><>

JK Cricketers Jay Shah

आई.सी.सी. दे चेयरमैन जय शाह होरें रंजी ट्रॉफी मिलने मगरा जम्मू-कश्मीर दी टीम कन्नै मलाटी कीती। रंजी ट्रॉफी जित्तने लेई जम्मू-कश्मीर दी टीम नै 8 बारी जित्तने आहली कर्नाटक दी टीम गी 28 फरवरी गी हुबली क्रिकेट ग्राउंड च हराया। ट्रॉफी जित्तने मगरा खडारी शाह होरें गी मिलना चाहंदे हे ते उंदा बी.सी.सी.आई सचिव दे तौर पर खेतरै च क्रिकेट गी होर मजबूत करने लेई धन्नवाद करना चाहंदे हे। बी.सी.सी.आई नै बी जम्मू-कश्मीर टीम गी रंजी ट्रॉफी जित्तने पर बधाई दिती। एक्स पर इक स्त्रेय दे राएं बी.सी.सी.आई नै जेएण्डके टीम गी इस गैर ममूली जित्त लेई मुबारकबाद दिती।

<><><><><><>

Dikshant Felicitation

तोआई, उधमपुर थमां सपूत दिक्शांत कुंडल जिनें हाल च मिली दी रंजी ट्रॉफी च अहम भूमिका निभाई ऐ, उनेंगी बी प्रेस क्लब उधमपुर च सम्मानित कीता गेआ। उधमपुर प्रेस क्लब दे प्रधान सुमित शर्मा होरें उप प्रधान आशीष दत्त ते बाकी सदस्य जियां के अचिन दुबे, सोरव, अनिकेत, गगन, अरूण, आफताब, नरेश ते बाकियें रंजी खडारी दा उधमपुर दे प्रेस क्लब दे दफ्तर च बधी-चढियै सोआगत कीता ते उनेंगी मुबारकबाद दिती। एह ऐतिहासिक जित्त जम्मू-कश्मीर क्रिकेट लेई मील दा पत्थर ऐ, जेदे कन्नै 66 सालें दा इंतजार खत्म होआ। एहदे

मगरा इस स्टार खडारी गी शैहरै दी बक्ख-बक्ख संस्थाएं आसेआ बी सम्मानित कीता गेआ। आकाशवाणी कन्नै गल्ल करदे होई रंजी खडारी दिक्शांत कुंडल होरें आखेआ

<><><><><><>

T-20 WC

ICC मर्दे दे टी-20 वर्ल्ड कप च भारत दा मुकाबला अज्ज शामी इंग्लैंड कन्नै दुए सेमीफाइनल च होग। एहू मैच अज्ज शामी 7 बजे मुम्बई दे वानखेडे स्टेडियम च शुरू होग। पैहले सेमीफाइनल च न्यूजीलैंड नै साउथ अफ्रीका गी 9एं विकेटें कन्नै हराया हा। एहू मैच कोलकाता दे इडन गार्डन च होआ हा। 170 रनें दा लक्ष्य रखदे होई न्यूजीलैंड नै एहू स्कोर 12 ओवर 5 गेंदें च छड़ी इक विकेट गोआइयै बनाई लैता, जेदे कन्नै उनें साउथ अफ्रीका गी हराई दिता।

<><><><><><>

CRPF-Recruitment Training

सी.आर.पी.एफ दी 121मीं बटालियन नै अपने हीरानगर परिसर च भर्ती सरबन्धी प्रशिक्षण कार्यक्रम दा आयोजन कीता। एहू पैहलकदमी कमांडेंट अरविंद सिंह हुंदे नेतृत्व च भरत सरकार दे निर्देशें मताबक करोआई गेई। इस कार्यक्रम दा मकसद सी.आर.पी.एफ च उत्साही ते योग्य युवाएं गी भर्ती करना ते उन्दे शारीरिक फिटनेस, मानसिक स्थिति गी मजबूत करना ते उनेंगी अनुशासन सिखाना हा। इनें युवाएं दा संबोधन करदे होई कमांडरें सिंह होरें आखेआ जे भविक्ख च सफल होने लेई दिलचस्पी ते लग्न कन्नै कम्म करना बड़ा गै जरूरी ऐ। आकाशवाणी कन्नै गल्ल करदे होई कमांडरें अरविंद सिंह होरें आखेआ

इस बारै होर गल्ल दिंदे होई इक मेदवार नै गलाया।

<><><><><><>